

放  
間  
鳥  
集



171-67



\*1200800112048\*

放  
鵬  
集

香  
影  
齋



荒浪煙崖著

放  
鵬  
集

雪蕉軒梓




搖  
鈎  
鳴  
鐘

梅蒙單閑黃鐘


蔣廷彦人溫題




大正  
6. 4. 26  
內文



乙未年正月十五日 信老兄 翰亭



乙未年正月十五日 信老兄 翰亭



看汝百篇珠玉聯白鷗放後興偏牽  
內腴外槁澹而美化故爲新柔以堅  
花月由來開別境風流多不愧前賢  
分明鴻爪餘痕在何止名山與大川

題放鷗集

擇堂 木村 善

放鷗集引

予性狷介爲官微薄每暇載筆放浪  
江湖以盪塵壒之心其在洛畿前後  
數十回宮嵐塔雨山明水紫掀簾捲  
筇往々入忘我之境而所交君子同  
臭如蘭詩酒徵逐怡情通趣雖稱爲  
第二故鄉未必僭也昔者雍陶述歸  
山之思有開籠放白鷗之句至陳文

述則曰官興蕭條欲放鷗顧洛畿予  
之并州放鷗予之閑籌今取以名此  
集亦只髣髴二公之志耳迨刻成聊  
辨卷首于時大正丁巳之春挂冠後  
第五年也

於東都麴坊元園僑居

荒浪坦坦識

放鷗集

駿河 荒浪坦煙崖著


滋賀攬勝

湖南一日寄萍踪。曉趁山鐘曳短筇。紅葉染成三井寺。白  
帆飛上比良峰。鴈聲落處平秋浦。空翠滴邊蟠老松。佳景  
撫來唯有淚。古城殘笛夕陽春。

石山寺

次孟浩然  
翠微寺韻

長橋來去潮。帆夕帶斜照。側身倚半巖。江天宜遠眺。立蹤  
問真隱。何啻煙壑妙。空音通心耳。松磬亦同調。遠遊孤客  
懷。破顏先一笑。紫媛傳才名。亭臺免山燒。笙洲何淼々。明





月度圓嶠。逍遙未云歸。更爲蘇門嘯。

琵琶湖晚眺

一碧江天白鷺翱。荻花楓葉客心勞。晚雲歸樹櫓聲遠。七十二峰秋月高。

飲江畑氏白水樓

西來鴻爪托江州。白水青山賣酒樓。一枕黃梁回美睡。庭筠藏雨氣如秋。

金碧屏櫺描四時。一花一鳥亦多姿。晚來薄醉凭欄角。俯見秋星蘸小池。

大津逆旅由良清齋三浦瞻南過訪分韻

湖上鴈回菰米飛。遠洲星火浪痕微。相逢落日青山郭。未易秋風白紵衣。月下踏歌佳節近。天涯飄泊薄官非。當筵休說別離字。愁絕琵琶不可揮。

湖上客夜

年々客裡攬明月。今年大好湖上山。忽值中秋伴詞客。月行碧落湖雲間。樽中澆酒灑千石。仙舟何人一宵惜。世間憂樂存孤懷。明月年々孰損益。琵琶水綠笙洲賒。來住鶴里大津別名灣頭家。風光如此明朝去。其奈江草將江花。

琵琶湖卽景

殘星落々蘸湖光。一片朝雲繞石梁。應是洞庭鱸好節。秋

風二十五帆張。低徊千古憶騷流。一味涼衫水驛秋。紅蓼白蘋天九月。鴈聲新落遠帆樓。古關人過夕陽時。萬朵紅楓護小祠。不聽高山流水曲。只聞禽語帶餘悲。

呈小野湖山翁

超然韜跡在山林。誰識先生憂國深。賜硯樓頭今夜月。一輪清影想胸襟。

松蟲鈴蟲墳

野風花發美人魂。來弔東山舊墓門。似訴鉛華無限怨。珮環聲冷夕陽村。

青谷觀梅

鐵幹臨流苔色斑。花皆皎潔水幽潺。何當來住香雲裡。日讀仙書不出山。

南枝未落北枝殷。行盡香風十里間。誰是英州好司寇。植

將仙樹遍溪山。

大庾嶺梅英州司寇植之

訪愚庵和尚

長嘯東山麓。孤庵自出群。骨癯昂似鶴。神定靜如雲。藜藿三餐淡。芝蘭一室薰。歸愚塗亦坦。相見此心欣。

題宮城氏山陵記  
白髮單身萬里行。橫秋老氣鬼神驚。一篇陵誌君平志。三尺荆鞭彥九情。月瀨花飛紛急雪。芳山雨暗哭殘鶯。天闈有聽賜題字。千載不磨金石誠。

鴨東詞

東山絲肉度中宵。雅客千金購楚腰。脂漲春雲花一郭。燈搖秋水柳雙橋。天成麗質難多棄。曲裏香魂不易招。心折仙才棕隱叟。連環咏出四時謠。

杏花

春天晴日弄微暄。已見花枝香正繁。橋畔青帘曲江水。墻

頭絳雪趙家村。女郎嬌思籠妝閣。才子榮名簪狀元。只恐仙芳易零落。無情風雨又黃昏。

寄懷谷如意山人

山水清佳地。居然隱士軒。新詩仍古調。白髮且青樽。竹靜雲生石。梅開鶴護門。曾遊恍心目。日夕拜微言。

西京客次贈韓客尹冽水

意氣當年仍薄遊。陰雲慘淡古韓州。東都盃酒同題壁。西洛風光且倚樓。紅葉青山催別恨。短簫長笛動清愁。中原消息何時好。慷慨于今解佩鉤。

嵯峨宿妙智院

霜後楓潭茜日斜。疎鐘一杵斷餘霞。尋朋夕宿嵯峨寺。燈影星々隔竹家。

永觀堂

東山夕陽好。人說永觀楓。前游霜未染。今來樹々紅。行々繞池上。湛碧涵彩虹。石林踢落葉。蘭若路初窮。偶與二三子。掃苔酌柏翁。題碑字集七。襄陽筆勢雄。翁本俊爽士。詩畫將無同。似此青女手。織錦曬秋空。吾儕烟霞癖。身迹同轉蓬。考槃酬夙慕。丰神想像中。傍有詩僧墓。僧名鈍吟千載托流風。山雲漸迴合。幽飈拂衣幘。浩々一長嘯。遊人散西東。塔影前林黑。回首斷霞烘。

大悲閣

嵐山鬱峩々。楓葉秋繡錯。石逕行入雲。上詣大悲閣。澗苔侵法幢。鐘樓踞幽壑。佛龕高倚虛。神定危眼脚。維昔了以翁。禹功大堰鑿。溪容從是奇。萬井免焦涸。時參黃檗禪。茲接脫塵縛。所以塑像存。法躰握斧鑿。登覽誰題名。丈翁神曠廓。桃青俳者宗。一語得玄泊。士開雖後生。風調有裁度。吾來搖落時。無花適吟嚼。長嘯林瀑振。溪盡見京洛。人烟紅樹中。塔藍據山郭。天南偶冥搜。攝海鳥帆搏。义手復何如。好句幾添刪。忽然生道心。巖菊一花拆。

三寶院

金門雕古儼桐華。大閣遺蹤問佛家。三寶恩威加道俗。六時供養剩烟霞。茶香蒲席胸先滌。墨翠麟書手幾摩。回憶當年豪興地。可堪木落夕陽斜。

日野憩高橋氏廬得聲字  
山翁能饗客。下酒有香橙。楓外霎時雨。也疑落水聲。

桃山善光寺觀澹和尚作畫

犬聲山寺夕。尋客亦逢僧。緇素交情在。丹青興味增。樹低湖上市。星近佛前燈。三笑開巖菊。被酒下峻嶒。

菟道萬福寺

招隱何由求福田。妙高峰下檠壇禪。東林方丈虎斑壁。元隱

福州東林人

卓午分茶香積筵。幾劫空門傳白業。一時酣咏入青篇。法雷日夕振松頂。雙鶴亭傍漱冷泉。

舟下保津

丹陽城下野航開。夕照誰家舊釣臺。或言角了住于此水自由流多畫趣。山因生面足詩媒。雲禽暝憂千年樹。灘石掀翻十月雷。忽怪身侔星漢客。浩歌撒手自天來。

卅里舟行不暫停。清猿縹緲峽雲冥。兩崖奔峭隨鳴櫓。百轉盤渦作建瓴。落日殘楓大悲閣。平橋修竹杜鵑亭。一鱸沽得丹城酒。直到嵯峨醉未醒。

妙喜庵

未學點茶技。飽知居士名。能爲無益事。曾悅有涯生。窓靜竹留影。鼎吟松落聲。小庵人不見。千古憶風情。

宿川崎氏號鐵片

如此清歡屬阿誰。楓前把酒好相隨。青燈一宿後年夢。古洛西山作客時。

天王山登眺

溟江日夜捲雲流。江上松巒倚素秋。賈帆開利轉千餉。將士徇名爭一邱。京洛風烟留紫氣。浪華殷富甲靖州。卽今西望誰慷慨。皇威繫在海城謀。

晚秋訪蔣逕山人

京塵重踏鴨之干。竹石寒窓訪舊歡。固識連襟明似月。今看同氣臭如蘭。山中高臥平生思。肚裏閒愁一夕寬。臨去約尋箕面勝。賞楓且餞歲年殘。

箕面探勝

六甲西來好翠微。停車箕面古巖扉。僧房流水蘿牽影。酒店夕陽楓染衣。落木千崖彩虹亂。天河一道白龍飛。遠遊且伴香爐客。爲賦凌蒼未擬歸。

如意山人惠郁子賦此道謝

故人投我木瓜鮮。嘗得應稱辟穀仙。休說洞庭三百顆。且懷閬苑一千年。柔條長蔓萋々鞞。紫實丹顛落々圓。聖

世併看甘露瑞。瓊琚聊擬小詩篇。

如意山人今茲齡七十七。夫人菊子亦同壽。

聞故舊相謀設賀筵。於彥根樂々園賦此表。

祝意

故國名園裡。瓊樓頌壽筵。老松蟠石上。雙鶴立池前。人薦南山什。吾歌大雅篇。由來所希見。貞德兩能全。

深草村

十丈京塵外。山村春色深。窑烟花際起。茶靄竹間沈。菜隴醉人影。祇林歸鳥吟。傷心公子跡。何處一登臨。

豐國廟

杜宇不鳴宜使鳴。傳神一語太分明。東山四月春將盡。豐國廟邊聽此聲。

庚子春二月湖山先生罹大患朝廷特賜山香位階而病亦癒恭賦三章以表祝意

不說平生閱歷多。林泉高臥意如何。聖朝恩秩新傳詔。枕上春回降病魔。

結廬花市藥欄東。日域文章仰華嵩。自是遐齡至無算。淋漓大筆贊天聰。

不須爲說衛生經。手捧蟠桃手劚苓。欽仰湖翁兼谷叟。東西映對老人星。

悼如意山人

主盟洛社久扶持。歲暮訃音天下知。王事偏勞新鼎日。初衣自製閉關時。小園栽竹兼移石。白首窮經儘說詩。曾爲予說

古詩源委頗精

尤憶曾遊隨步履。春風其奈淚交頤。

題梅所山人愛玩登龍笛

夜深千籟寂。鐵笛和龍吟。想子三終曲。梅花落曉參。

送梅所赴西京

洛下當年儘滯留。門驪今送故人游。臥容朝靜東山脊。歌響宵喧鴨水流。耆宿凋零傷夢思。如意天江諸老卽世風塵揭嶮說

離愁。回頭江漢飛鴻遠。早晚同登謝眺樓。

嵐峽夕步

落楓粘屐澗谿埋。夕度明漪躡峭厓。霞綺猶留裙樣赤。荒墳老木弔宮娃。

九畹自伊勢至偕賞嵐峽楓

偕是看楓載酒人。秋山滋味入詩醇。錦雲蘸破清瑩水。乞與篙夫暫結隣。

若王子同香城賦

磴确東山蹋錦虹。詩襟迥御冷然風。醉花臺上秋同賞。趣軼琴尊綺席中。

移將蠟屐抱詩登。秋逗林丘楓幾層。寒碧一池石淙下。坐



臨夕照竹欄凭。

弔梁星巖墓

詩名海內布衣尊。此瘞身骸不瘞魂。天授菴中來酌酒。秋雲滿地土花繁。

東山窳窳夕陽前。史筆起予知幾年。萬竈俯來長樂寺。一枝霜菊薦寒泉。

雪月庵夕飲

倦杖歸來暮靄浮。也尋鐙火酌江樓。當欄一片支峰月。寒蘸漪光石瀨流。

和大竹蔣逕君五十自述韵

菟裘賦就落新椽。松竹當門共藹然。藝苑人咸推妙手。儒餐君且保遐年。春川淡蕩浮雲楫。秋壑盤回步洞天。十歲蘭言有投贈。斯交初不在通錢。

恬淡生涯藟牧期。文章報國慟南枝。揭來京洛暮年住。早被騷壇四老知。蠟屐穿來高騁目。葩經講罷閒拈髭。雲心宿昔留吟藻。名噪人間出岫遲。

見真大師大遠忌辰恭賦

慈化齊加日域民。風餐露宿幾酸辛。妙容本出華簪裔。遠忌追修寶地春。點鐵成金功自大。

謂轉惡成善之益也

驅鷄入水法

非真。謂妻肉禁戒之陋也。如今舉世急心藥。願講讚文分佛身。

唐碣老松

蒼龍蟠屈傍湖祠。灩澦波光蘸秀姿。別有幽情稱雅咏。蕭  
夕夜雨滴梢時。

日吉祠下作

山氣藏雲催夕蒼。水簾曲々對茶牀。天台紫閣迹非遠。洗  
得人間千結腸。

台嶽訪澄大師遺躅

江國輕帆駕翠漪。更尋初地屐雲隨。靈胎入夢神宮寺。太師  
父三津氏無子祈日枝山下祠夢感靈胎今神宮寺是也懺法成孚日吉祠。十五受父母命精進修懺法有應驗

澗花峰月清塵躅。舌鎰銀彫搜古奇。生時握中有藥王銀像又入唐日以所佩八舌鎰啓

智者大師法藏扉人驚其奇遇稱為智者再來云繾綣澄公止觀處。良壇碑兀護皇基。

題寒香草堂梅所囑

灑脫生涯歲月寬。庭栽鐵幹養詩肝。草堂此夕挑燈晤。玉  
藥香從楣上寒。

客懷世累暫相忘。續茗臘前茲草堂。想爾巡簷索笑日。一

拈詩底一花香。

謁桃山陵

泐里雄形勝。桃山拜帝陵。筵殘黃葉路。龍逐白雲層。大  
業千秋秀。餘光萬姓承。松楸神長在。回首夕霞凝。

聞落葉。萬葉辭。風吹乾葉撲空帷。可知天意嫌單調。著  
紅蕊黃鸝彼一時。風吹乾葉撲空帷。可知天意嫌單調。著  
得人間蕭瑟詩。

松花園訪香城

千山落木客身遙。見我游心旺未銷。有約今朝更移屐。憂  
過華津南北橋。

南紀途上

髣髴水天螺黛浮。盪人詩思葉如舟。佗年南海掉頭去。槭  
雨珊瑚小豆洲。

玉津洲

披襟來嘯碧巖風。聖帝遺踪問渚宮。缸外蘆花秋雪冷。一  
竿殘日釣歸翁。

黑江似香城

海南霜後客蹤同。路入寒村夕照通。影出當年柳州句。兼  
葭浙瀝橘玲瓏。

紀三井寺

賽來南國古靈場。名艸山前乞午糧。始覺吟遊霜後好。楓  
同人醉橘成觴。

琴浦

漁艇影消微月生。巖頭立盡暮烟橫。波心髣髴聽湘靈。瑟水

石蕩摩鏗有聲。

木村擇堂君招飲疊韻

手把靈酥引後生。超然樓下暮楓橫。多君使我虛懷實。詩示無聲畫有聲。

西鳴里訪醍醐公子隱栖

眼看山雲自去留。門前時噉鳴川流。廟堂端笏何牽夢。墟落酣歌儘賞秋。一徑黃花餘絢在。千竿翠竹夕陽幽。高蹤如許情真愜。拔世吾還筆欲投。

贈山本菖園君

山兄與吾舊。遠訪共吟思。神苑隣長卜。溪泉夢獨知。天開

紅樹郭。人唱白雲辭。一醉悠情足。愛茲夕照時。

癸丑歲抄過蔣逕山人新居次韵題壁

松竹安排雅構開。歲寒牕伴小紅梅。高低處巘當眉出。三兩箇鷗穿耳來。披卷文章光似錦。落毫縑素滑于苔。他時如選樓居譜。勿逸先生嘯傲臺。

高閣琴樽到日斜。已言閒適豈言奢。西京壇坫真騷客。東國桑麻本富家。一宅經營泉竹石。百年情味月風花。出門時寄扁舟興。不讓星翁雙鷺涯。

送周鎮岳畫史游九州

數个篋管筆下栽。知君胸裏不留埃。今朝也上九州路。應

有江山補夢來。蘇武牧羊不置。今時出士大抵難。

松定樓赴同笑會員招

一笑相逢雅客筵。東山詩酒舊因緣。酣來擺得世途感。翰墨談中擬餞年。

鴨匡小酌賦示周鎮岳畫史

把酒江頭談亦清。百年心地共明夕。京中勝事長相記。贏得人間酌古情。

壽膽山人七十

靜者生涯一樣恬。麗都文柄掌中兼。滿門猷粟非耕舌。終日看山可撚髯。賦擬白蓮仍醉興。李白乘醉草白蓮賦文不加點夢吞丹篆

是祥占。

韓愈少時夢吞丹篆後能記其筆勢非人間書

如斯身分初稱壽。遮莫時人

爭向炎。

隱元禪師遠忌恭賦

隱公當日鼓禪風。虎壁小春楓復紅。座破蒲團喫茶去。山河大地驀然空。

笠置山懷古

岌嶮石山雲氣微。想曾逆豎犯天威。南風不競勞宸夢。空翠無端濕御衣。關左大軍攀壘急。河陽新將握符歸。登臨淚落劫餘寺。老柏含凄對夕暉。

酬木豚老漢

長嘯東山寄傲思。也尋曩侶理輕綦。笙歌海內華城重。罇酒燈前道骨奇。鷗鷺百年留勝概。禺于一夕引新詩。寒鐘撞破懷人夢。尙繞殘葭碧水涯。

洛寓感懷

昭代謳歌署逸民。擔簦來寓鴨河濱。旬前大路通金輅。式後崇垣拜紫宸。時矣嵐溪披彩錦。居然台嶽聳秋旻。旗亭一醉襟何豁。賴子當年也此隣。

歸田誰說古今難。吾際盛年賦掛冠。客夜殘燈一壺酒。天涯疎雪四窓巒。豈甘身跡枯蓬轉。只學文心健鶻搏。玩世聰明人共老。獨留豪氣寸胸蟠。

桂村翁建碑式代繫

掃苔來弔桂翁魂。楓後東山貞石存。默數同遊廿年昔。爭堪撫景淚成痕。

建勳社

祠堂拜過舶陵晴。回首乾坤漲戰聲。勳業于今愈烜赫。瑞雲蒸出二條城。

三立院

手麾諸將捲旌塵。失計誰憐馘鴨濱。今日三立尋墓道。禁人相近石公曠。

大德寺觀寶物

金門老衲示慈航。龜正英雄弟子行。東客如今展遺物。豐  
公陣釜織公裳。  
澤公禪事試塗鴉。先向圓中一點加。會得華嚴彈指現。何  
須贊語算河沙。  
誰將名畫施禪關。幅々難分上下班。神肖只驚吳道子。霓  
衣菩薩翠螺鬟。

光悅寺

杖策周山路。先到太虛菴。竹徑聽樵語。楓葉明佛龕。維昔  
元和際。悅叟茲解驂。照公所賜地。條區跡可諳。紙川鳴林  
下。鷹峰當舍南。道心高視世。風月吟賞酣。遍引天下匠。把

臂縱雅談。頌宅有廣狹。品藝衆意甘。吾來箇年後。遺墨陳  
五三。慕古情頻動。題壁凡手慙。低徊返駕未。晚暉紫野含。

梅所招飲初識龍峰畫伯因有作

袖裏只携一卷詩。倩誰題墨上烏絲。京中自富風流士。除  
却蘭交總不知。

木枝亭即興

雪後林亭酒共酬。鳧涯雅事足千秋。青蓮不改卒然句。東坡  
曰太白集中間有笑見白雲接嶺頭。臨時卒然之句

歲晚尋盟以興社課題

鉛毫載得寓京中。未用嘔心賦送窮。好與諸公謀餞歲。一

宵吟酌兩回同。

贈川田雪山

虎醉雪醒渠一時。京中剛骨更誰奇。感君能篤故人誼。青

山豐勒默庵碑。秦氏嗜酒雪兄不善飲句中故及

牛山自武庫至鴨涯同飲

半生窮樂碧翁知。勝境相逢著麗詩。鴨水西東絃響湧。坡  
公何碍調歌姬。

宮尾荷亭夫妻見訪

掃墓西州遠挈家。歸途訪我鴨川涯。東山沽盡瓢亭酒。嵐  
峽看楓同駐車。

天授菴虛堂蘇天簡堂三氏追悼會賦奠

年來詞客嘆凋零。湖雨林風寂故扃。一炷香烟秋寺晚。欲  
招三老在天靈。

訪梅所山人賦贈

勝區重訪鴨沂秋。樽酒東山對故儔。筐裏新文邀客校。齋  
中古笛要龍留。西風澹日菊三逕。暮雨疎鐘楓一邱。似是  
生涯真可羨。白頭潦倒不須愁。

題超然樓

切脈元諳董氏經。論交風雅輒忘形。袖詩曾夕一通刺。移  
屐今朝重叩扃。落楣東山過秋綠。臨池碩樹是冬青。儵然  
已覺塵思祛。欲向雲中招雪翎。



呈竹隱詞宗  
故識文章有代興。如今洛社一星增。藹然風貌溫如玉。仰  
止襟懷潔似冰。仙洞喬林秋後綠。鳴坡斜日晚來澂。茲間  
嘯傲知多適。擁卓論詩得未曾。

鐵片子見惠妙喜庵主作製筍毫

曾持贈犬木堂亦此物云

好從名士劈吟箋。一管筍毫斐字鮮。憶是山崎經宿日。清  
風敲玉助茶禪。

丁巳春初香城來訪共校此集

勝地連驪記昔春。一觴一咏久成塵。新年共校放鷗集。山  
水清音留付人。

計一百首


大正六年三月三十一日印刷同年四月三日  
發行著者兼發行者東京市麴町區元園町一  
丁目二十七番地寄留静岡縣平民荒浪市平  
印刷者東京市麴町區紀尾井町三番地金澤  
求也印刷所麴町區紀尾井町三番地元真社

1071  
607

171  
67

六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十




# Kodak Gray Scale



© Kodak, 2007 TM: Kodak

**A** 1 2 3 4 5 6 **M** 8 9 10 11 12 13 14 15 **B** 17 18 19



# Kodak Color Control Patches

© Kodak, 2007 TM: Kodak

Blue Cyan Green Yellow Red Magenta White 3/Color Black

